

mento ad fidei Catholica defensionem, & hærefum extirpationem paterne consulere, ac alias opportune providere de benignitate Apostolica dignemur; Nos pro certa spe, atque fiducia, quam de presenti ipsius Emanuelis Philiberti Ducis, & magni Magistri fide, ac Religione habemus, proque paterno in illum amore nostro ad annuendum, honestis huiusmodi desideris adducti, ac firmiter Nobis pollicentes fore, ut quemadmodum ipsa Baliagia illius auctoritate, ac virtute antiquæ Ducatus Sabaudia Ditioni, sunt restituta, ita eadem illo curante, & adjuvante veteris, & Orthodoxæ Religionis nostræ cultui; & professioni prope diem reddantur. Ipsum Emanuelem Philibertum Ducem, & magnum Magistrum a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a iure, vel ab homine, quavis occasione, vel causa latis, si quibus quomodolibet inmodatus existat, ad effectum presentium dumtaxat consequendum, harum serie absolventes, & absolutum fore censentes, nec non Ecclesiarum, Monasteriorum, Prioratum, Hospitalium, & Beneficiorum Ecclesiasticorum omnium districtorum Baliagiorum, & Locorum qualitates, ordines, & dependentias, ac fructuum, reddituum, & proventuum bonorum eorumdem conditiones, quantitates, verosque annuos valores presentibus pro expressis habentes, huiusmodi supplicationibus inclinati, omnia Beneficia Ecclesiastica cum cura, & sine cura secularia, & quorumvis Ordinum regularia in Baliagiis, & Locis ab ejus Nobilitate receptis consistentia, & si secularia, Canonicatus, & Præben. dignitates, etiam principales Personatus, Administrationes, & officia olim Collegiarum Ecclesiarum, & Parochiales Ecclesie, vel earum perpetuæ Vicaria, Cappella, & Cappellania perpetuæ; Regularia vero Beneficia huiusmodi Monasteria, non tamen consistorialia, Prioratus, Præpositura, Præpositus, Dignitates, etiam Conventuales, Personatus, administrationes Monachales, & Canonicas portiones, ac officia etiam curata claustralia, & electiva, nec non Hospitalia, Leprosaria, Xenodochia fuerint, & alia quæcumque loca religiosa, eorumque membra, Grancia, Possessiones, & prædia, in quibus nullus Ecclesiasticus cultus secularis, aut regularis, seu Hospitalitas exercetur, nec de presenti saltem, quoad Parochiales Ecclesias, & alia Beneficia Ecclesiastica curata restitui potest, quæque nullis canonice collata, aut commendata, seu commissa, nec unita, aut suppressa in Ecclesiarum, Monasteriorum, Hospitalium, aut aliorum Piorum Locorum nunc vigentium, etiam extra Baliagia, & Loca prædicta consistentium commodum, & favorem sint, nec ab Ecclesiis, Monasteriis, Capitulis, Conventibus, Beneficiis, Hospitalibus extra illa consistentibus, veluti unita dependeat, aut ad ea, veluti membra pertineant, quæ omnia salva, & illæsa remaneant, quibusvis modis,

& ex quorumque personis, seu per liberat resignationes quorumvis de illis, aut de eorum regiminibus, & administrationibus cessiones in Romana Curia, vel extra eam, etiam coram Notario publico, & Testibus sponte factas, aut Constitutionem felicis recordationis Joannis Papæ XXII. Prædecessoris nostri, quæ incipit: *Execrabilis*, vel assecutionem alterius Beneficii Ecclesiastici quavis auctoritate collati vacant, etiam si tanto tempore vacaverint, quod eorum collatio juxta Lateranen. statuta Concilii, aut alias canonicas sanctiones legitime devoluta, ipsaque omnia, vel eorum aliqua dispositioni Apostolica specialiter, vel generaliter reservata existant, & ad illa consueverint olim qui per electionem assumi, eiusque cura etiam jurisdictionalis imminet animarum, ac cujuscumque annui valoris ad quamcumque, etiam notabilissimam summam ascenditis eorum singulorum fructus, redditus, & proventus fuerint nomine, titulo, denominatione, ordine, statu, & essentia, etiam regulari in singulis illis, prout insunt perpetuo suppressis, & extinctis cum suis Ecclesiis, Domibus, bonis, proprietatibus, decimis, juribus, jurisdictionibus, fructibus, censibus, pertinentiis, & actionibus omnibus, & quibuscumque Militiæ præfatæ Sanctorum Mauricii, & Lazari de Apostolica potestatis plenitudine unimus, annectimus, & incorporamus.

§.3. Ita quod liceat prædicto Emanueli Philiberto Duci, & magno Magistro, nec non dilectis filiis Conventui dictæ Militiæ illorum omnium corporalem possessionem per se, vel alium, seu alios propria auctoritate libere apprehendere, & perpetuo retinere, atque in eis, & ex eis Prioratus, Bajulivas, Præceptorias, aliaque Beneficia, & officia dictæ Militiæ erigere, & instituire, dotes assignare, & alias prout dictæ Militiæ usus, & utilitas suadebunt, eique æquum visum fuerit, convertere, ac etiam interim dum erectiones, & institutiones huiusmodi fient, fructus, census, decimas, & alia jura prædicta percipere, exigere, & levare, ac de illis in prædictos usus disponere, de Dioecesanorum locorum, & quorumvis aliorum licentia minime requisita, quin etiam ipsis ea omnia, quæ post recuperationem Baliagiorum, & locorum prædictorum de facto percepta sunt ab ipso Emanuele Philiberto Duce, vel ejus ordine cujuscumque qualitatibus, & pretii illi, gratiosè donamus, & remittimus.

§.4. Cum eo tamen, quod quamprimum eorum Baliagiorum, & locorum recuperatorum homines ad veritatis lumen per misericordiam Dei redierint, in quacumque ipsorum parte id contigerit, Parochiales Ecclesias, & alia Ecclesiastica loca ad exercitium curæ animarum idonea ab Ordinariis locorum, quibus illa subsunt cum dote non minori quinquaginta ducatorum annuatim de proprietatibus bonorum prædictorum ad justum, & competentem numerum instituant, illisque ab eisdem Ordinariis de Re-

Reservatio quoad Parochiales Ecclesias Populi ab hæresi respicerent.

Clausula.

storibus, & Pastoribus idoneis juxta Concilii Tridentini dispositionem, & alias canonicas sanctiones provideat.

§.5. Districtius inhibentes, omnibus Abbatibus, Conventibus, & Prioribus Monasteriorum quorumvis Ordinum, & Regularium locorum, & Hospitalium, ac Militiarum superioribus, ceterisque, ad quos id quomodolibet pertinet, ne posthac audeant in dictis Ecclesiis, Monasteriis, Beneficiis, & officiis, aliisque suppressis prædictis, eorumque rebus, juribus, & actionibus sese quoquomodo interponere, seu suppressionem, unionem, annexionem, & incorporationem, ceteraque alia præmissa, illarumque executionem, & effectus quomodolibet impedire: Ac discernentes Emanuelem Philibertum Ducem, & magnum Magistrum, ac Conventum prædictos ad verificandum causam, seu causas, propter quas Nos ad prædicta faciendâ inducimur, coram dictis Ordinariis locorum, vel aliis etiam tamquam a Sede Apostolica delegatis, aut alibi nunquam teneri, nec propterea, aut etiam, quia interesse habentes vocati non fuerint, præsentibus per subreptionem obtentas præsumi, viribusque, & effectu propterea carere: Sique per quoscumque Judices ordinarios, & delegatos in quavis causa, & instantia, sublata eis quavis aliter judicandi, & interpretandi facultate, & auctoritate, judicari, & desiniri debere, nec non irritum, & inane, quid quid fecus super his a quoquam quavis auctoritate scienter, vel ignoranter contigerit attentari.

Derogatio contrariorum

§.6. Non obstantibus præmissis, ac nostris de exprimendo vero annuo valore tam Beneficii uniti, quam ejus, cui illud uniri petitur, necnon de unionibus committendis ad partes, vocatis, quorum interest, ac Lateranen. Concilii novissime celebrati, uniones perpetuas, nisi in casibus a jure permixtis fieri prohibentibus, aliisque Apostolicis Constitutionibus, necnon Ecclesiarum, Monasteriorum, Conventuum, Ordinum, Militiarum, Hospitalium, & aliorum quorumcumque locorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, & eorum singulis, sub quibuscumque tenoribus, & formis, ac cum quibusvis clausulis, & decretis, etiam Motu proprio, & consistorialiter, ac alias in genere, vel in specie quomodolibet concessis, approbatis, & innovatis. Quibus omnibus, etiam de illis, eorumque totis tenoribus, specialis, specifica, individua, & expressa, ac ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si ad verbum infererentur presentibus, pro expressis habentes, illis alias in suo robore permansuris, hac vice dumtaxat harum serie specialiter, & expresse derogamus, contrariis quibuscumque. Aut si aliqui super

provisionibus sibi faciendis de huiusmodi, vel aliis beneficiis ecclesiasticis in illis partibus, speciales, vel generales dictæ Sedis, vel Legatorum ejus literas impetrarint, & si per eas ad inhibitionem, reservationem, & decretum, vel alias quomodolibet sit processum, quas quidem literas, & processus habitos per eandem, ac inde secuta quacumque, ad Ecclesias, Monasteria, beneficia, officia, Hospitalia, & alia prædicta volumus non extendi, sed nullum per hoc eis quoad assecutionem beneficiorum aliorum præjudicium generari, & quibuslibet aliis privilegiis, indulgentiis, & literis Apostolicis, specialibus, vel generalibus quorumcumque tenoribus existant, per quæ presentibus non expressa, vel omnino non inserta effectus earum impediri valeat quomodolibet, vel differri, & de quibus, quorumque totis tenoribus ad verbum habenda sit in nostris literis mentio specialis.

§.7. Nulli ergo omnino hominum liceat hanc paginam nostræ absolutionis, unionis, annexionis &c.

Datum Romæ apud S. Petrum, Anno Incarnationis Dominicæ, millesimo quingentesimo septuagesimo quinto, Idibus Aprilis, Pont. nostri Anno III.

Dat. die 13 Aprilis 1575. An.III.

Ex Regest. in Secret. Br. 100

CLXXXIII.

Confirmatio Privilegiorum, & Indulgentiarum a Pio IV. concessorum Archiconfraternitati Sanctissimæ Trinitatis de Urbe.

GREGORIUS EPISCOPUS
SERVUS SERVORUM DEI

Ad futuram rei memoriam.

AD Apostolicæ dignitatis apicem, meritis licet imparibus divina dispositione vocati curis angimur assiduis, & debita meditatione pulsamur, ut charitatis, & misericordie opera ubique locorum, præsertim in Alma Urbe exercentur, & his, quæ propterea per Christianos pie religioseque fieri consueverunt, libenter dum a Nobis petitur, ne aliquando de illis hæsitari contingat, nostræ confirmationis robur adiciamus, ac circa ea, per quæ salus votiva succedat, ac Ecclesia, aliaque pia loca ad exercitium huiusmodi destinata ab ipsis Fidelibus in debita veneratione habeantur, creditæ Nobis potestatis auctoritatem favorabiliter impartimur, fidelesque ipsos ad id spirituum muneribus, indulgentiis videlicet, & peccatorum remissionibus, frequenter invitamus.

Exordium.

§.1. Exhibita Nobis nuper pro parte dilectorum Filiorum Confratrum Confraternitatis sub invocatione Sanctissimæ Trinitatis in Alma Urbe canonice instituta petitio continebat, quod alias postquam felicis Pius Papa IV. Prædecessor Noster institutionem Confraternitatis sub invocatione ejusdem Sanctissimæ Trinitatis, in qua ut acceperat, dilecti Filii illius Confratres varia pietatis, & laudabilia opera exercuerant, & in pauperibus Peregrinis, & Convalescen-

Facili facies

scntibus personis ad Hospitale dicta Confraternitatis undequaque confluentibus expiendis, & reficiendis, multisque aliis pietatis, & caritatis operibus non solum in Peregrinorum, & Convalescentium hujusmodi maximam commoditatem, & consolationem, verum etiam cum totius dicta Urbis, & Orbis amplissima laude, & decore, magis, ac magis in dies se exercebant, & perpetuo exercere intendebant, nullaque statuta, & ordinationes, desuper condiderant, eorumdem Confratrum salubribus votis, & gratiis in conspectu Dei, & Hominum pietatis operibus id exposcentibus Apostolica auctoritate perpetuo approbaverat, & confirmaverat, eandemque Confraternitatem in Archiconfraternitatem ejusdem Sanctissimae Trinitatis, ita ut ab ea tamquam matrice alia, si quae de novo erigerentur, Confraternitates dependerent, dicta auctoritate etiam perpetuo crexerat, & instituerat, ac Archiconfraternitatis titulo decoraverat, necnon ejusdem Archiconfraternitatis Confratribus, ut privilegia, & Indulgentias sibi pro tempore concessa, Confraternitatibus erigendis hujusmodi communicare possent, indulserat, ac tam in approbatione, & confirmatione Confraternitatis hujusmodi, illiusque in Archiconfraternitatem erectione, & institutione praedictis, quam etiam postea, ac alias sub certis modo, & forma limitatas, & modificatas, & tam perpetuas, quam ad tempus Indulgentias, & peccatorum remissiones, ac relaxationes, aliaque facultates, gratias, & privilegia, seu indulta eadem auctoritate concesserat, & relaxaverat: pia mem. Pius Papa V. etiam Praedecessor noster omnes, & singulas indulgentias, & facultates easdem, necnon quascumque alias Indulgentias, ac privilegia quibusvis Confraternitatibus, & aliis personis, sive locis communicandi in genere, vel in specie quomodolibet concessas revocavit, prout in diversis, tam Pii IV. sub plumbo, & in forma brevis, quam Pii V. praedictorum hujusmodi respective consecris literis plenius dicitur contineri.

§.2. Cum autem sicut eadem petitio subiungebat, nonnulla ex Indulgentiis, ac privilegiis per dictum Pium IV. Praedecessorem ipsis Confratribus concessa clausulas illas, & alias Indulgentias, necnon communicandi facultatem contineant, ac propterea litera Pii IV. Praedecessoris hujusmodi, & in eis contenta Indulgentiae, concessionis, gratiae, & indulta hujusmodi a dictis Confratribus, & aliquibus aliis in dubium revocari possent, pro parte eorumdem Confratrum Nobis fuit humiliter supplicatum, ut in praemissis opportune providere de benignitate Apostolica dignaremur.

§.3. Nos igitur, qui singulorum Christianorum devotionem, & pietatis opera, nostris potissimum temporibus propagari, sinceris exoptamus affectibus, ac ea, quae propterea facta fuisse dicuntur, ut firma, & illibata persistant, Apostolico munimine ro-

Confirmatio Privilegorum d. Archiconfraternitatis.

boramus, singulos Confratres praedictos, quibusvis Excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine, quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum, harum serie absolventes, & absolutos fore censentes, necnon literarum praedictarum tenores praesentibus pro sufficienter expressis habentes, hujusmodi supplicationibus inclinati institutionem, ordinationes, & statuta, illorumque approbationem, & confirmationem dicta Confraternitatis in Archiconfraternitatem erectionem, institutionem praedictas Apostolica auctoritate praedicta, etiam perpetuo approbamus, & confirmamus, illisque omnibus perpetuae, & inviolabilis firmitatis robur adiciamus.

§.4. Et insuper ut ipsius Archiconfraternitatis, & aliarum illi pro tempore aggregatarum, & aggregandarum Confraternitatum Confratres nunc, & pro tempore existentes in tam pio, & laudabili instituto, ut alacrius persistant, quo majoribus Caelis gratia donis pro Animarum suarum salute conspexerint se reflectos, de Omnipotentis Dei misericordia, ac Beatorum Petri, & Pauli Apostolorum ejus auctoritate consili omnibus, & singulis utriusque sexus Christianis vere poenitentibus, & confessis, qui de gremio dicte Archiconfraternitatis, & seu aliarum Confraternitatum illi aggregatarum, & in futurum aggregandarum hujusmodi ubivis locorum, consentientium pro tempore esse desideraverint, in ipsa eorum in Confratres Archiconfraternitatis, & Confraternitatum praedictarum receptione, & descriptione, plenariam, necnon illis, etiam utriusque sexus pro tempore existentibus, qui corde contriti, ac vere poenitentes, & confessi in mortis articulo nomen Jesu devote invocaverint, aut aliquod poenitentiae signum fecerint, etiam plenariam, ac tam eisdem Confratribus, quam omnibus, & singulis aliis utriusque sexus Christianis, qui vere poenitentibus, & confessis, qui singulis Nativitatis, Annunciationis, Visitationis, Purificationis, & Assumptionis Beatae Mariae Virginis Festivitatibus, ac die Dominica Festi ejusdem Sanctissimae Trinitatis, annuatim Archiconfraternitatis, seu Confraternitatum aggregatarum, & aggregandarum praedictarum Ecclesiarum, seu Cappellarum, vel Oratoriarum devote visitaverint, & inibi ad Deum preces, prout unicuique suggeret devotio, effuderint, in die Dominico Festi Sanctissimae Trinitatis unam similiter plenariam omnium peccatorum suorum Indulgentiam, & remissionem, perpetuo duraturam, in reliquis vero Nativitatis, Annunciationis, Visitationis, Purificationis, & Assumptionis Festivitatibus hujusmodi septem annos, & totidem quadragenas, ac ipsis Confratribus, qui ultima Dominica cujuslibet mensis totius anni, vel ipsam Dominicam immediate sequentem Lunae, sive Martis, aut aliis die-

Concessio Indulgentiarum

bus, orationi quadraginta horarum nuncupatae per dictos Confratres pro tempore in eorum Ecclesiis, seu Cappellis, vel Oratoriis facienda, & continuanda interveniant, dummodo saltem per dimidiam horam in ea pro Republica Christiana conservatione, & augmento, ac Principum Christianorum mutua, & Universali pace, necnon Nostro, & pro tempore existentis Romani Pontificis, ac Romanae Ecclesiae, & illius Pastorum felici, & prospero statu ad Christum preces effundendo continuaverint, quoties id fecerint, annum unum, eis quoque etiam vere poenitentibus, & confessis, qui Sanctissimum Eucharistiae Sacramentum singulo mense susceperint, septem annos, & totidem quadragenas, ac insuper illis Confratribus, qui Confratrum, & aliorum in eorum Ecclesiis, seu Cappellis, aut Oratoriis sepeliendorum Cadavera ad sepulturam associaverint, unum annum, & tam ipsis, quam ipsis Christianis hujusmodi Archiconfraternitatis, & Confraternitatum, tantum similiter vere poenitentibus, & confessis, qui qualibet die Veneris totius Quadragesimae, Ecclesiarum, seu Cappellarum, vel Oratoriarum Archiconfraternitatis, seu Confraternitatum aggregatarum, & aggregandarum hujusmodi devotate visitaverint, & inibi, prout unicuique suggeret devotio ad Deum preces effuderint, quoties id fecerint, septem annos, & totidem quadragenas, necnon Confratribus tam Archiconfraternitatis, quam Confraternitatum aggregatarum, & aggregandarum hujusmodi, qui Peregrinorum ad dictam Urbem, & Civitates, ac loca, ubi Confraternitates aggregatae, & aggregandae reperiuntur, ac ad Hospitalia pro ipsis Peregrinis recipiendis destinata, ad ibi hospitandum confluentium, & divertentium pedes laverint, & in mensa iisdem Peregrinis caritative ministraverint, & inservierint, centum dies, illis etiam Confratribus dictae Archiconfraternitatis, qui eosdem Peregrinos ad Ecclesias Urbis hujusmodi pro inibi Indulgentiis consequendis associaverint, duos annos de iniunctis sibi poenitentibus, auctoritate praefata tenore praesentium, misericorditer in Domino concedimus, elargimur, & relaxamus.

§.5. Et insuper, ut ipsi Confratres, & alii Christiani Indulgentiarum, remissionum, & relaxationum praedictarum Deo propitio facilius efficiantur participes, illis, & eorum cuilibet, ut temporibus, & diebus supradictis quoscumque seculares, vel quorumvis Ordinum, etiam Mendicantium Regulares Presbyteros idoneos ab Ordinaris locorum approbatos in suos possint eligere Confessores, qui eorum Confessionibus diligenter auditis, eos, & eorum quemlibet ab omnibus, & singulis eorum peccatis, criminibus, excessibus, & delictis, quantumcumque gravibus, & enormibus, Sedi Apostolicae reservatis, exceptis contentis in literis in die Coenae Domini legi consuetis, toties quoties, & etiam a criminibus in eisdem literis contentis,

Facultas eligendi quemcumque Confessarium, qui possit eos absolvere a nonnullis criminibus, & vota commutare

semel in vita tantum, & in mortis articulo eadem auctoritate absolvere, ac pro commissis poenitentiam salutarem iniungere, necnon vota quaecumque Hierosolymitani, visitationis liminum eorumdem Beatorum Petri, & Pauli Apostolorum, ac Sancti Jacobi in Compostella, necnon Castitatis, & Religionis Votis dumtaxat exceptis, in alia pietatis opera commutare.

§.6. Ac postremo eisdem Confratribus ut alia quaecumque Ordinationes, & Statuta felix Regimen, & prosperum statum, ac gubernationem, illorumque Archiconfraternitatis, & Confraternitatum aggregatarum, & aggregandarum praedictarum, rerumque Spiritualium, & Temporalium, quomodolibet concernentia condere, & facere, & tam illa quam alia quaecumque licita, & honesta, ac Sacris Canonibus, & Decretis Concilii Tridentini non contraria, quoties eis videbitur, immutare, alterare, limitare, corrigere, declarare, modificare, & in melius reformare libere, & licite valeant, licentiam concedimus, & impartimur.

§.7. Districtius inibentes omnibus, & singulis, etiam quibusvis Commissariis Sancti Spiritus in Saxia, & Sancti Joannis Lateranensis, etiam S. Rochi de Urbe praedicta, necnon Sancti Bernardi Montis Sionis, & Sanctae Mariae de Populo nuncupatae incurabili Neapolitanae, ac Annunciationis Beatae Mariae Virginis Cayetanae, aliorumque Hospitalium, & piorum locorum, necnon quibusvis aliis personis cujuscumque gradus, & praerogativae fuerint, ne publice, vel occulte, directe, vel indirecte, quovis quaesito colore, vel ingenio dilectos filios modernos, & pro tempore existentes Primicerium, & Custodes, tam Archiconfraternitatis, quam Confraternitatum aggregatarum, & aggregandarum praedictarum, vel ab eis, etiam pro tempore deputatos molestare, perturbare, inquietare, vel impedire, in toto, vel in parte, ullo modo audeant, vel praesumant. Ac decedentes ex nunc irritum, & inane, si secus super his a quoquam quavis auctoritate, scienter, vel ignoranter contigerit attentari.

§.8. Non obstantibus Constitutionibus, & Ordinationibus Apostolicis, contrariis quibuscumque. Quo circa venerabilibus fratribus nostris Patriarchis, Archiepiscopis, & Episcopis, necnon dilectis filiis eorum in Spiritualibus Vicariis, & officialibus, ac Abbatibus, Prioribus, Capitulis, Conventibus, Parochialium Ecclesiarum Rectoribus, & eorum Vicariis, ac quorumcumque, etiam Mendicantium Ordinum Generalibus, Provincialibus, & aliis superioribus ac Praedicatoribus, aliisque ad quos spectat, & spectare poterit quomodolibet in futurum, tam exemptis, quam non exemptis ubilibet existentibus, per Apostolica scripta mandamus, quatenus ipsi, & eorum quilibet quoties pro parte Primicerii, & Custodum, aut ab eis deputatorum praedictorum cum debitis reverentia, & honore

Clausula

Derogatio contrariarum

Exceptio pro
consecutione
Indulgentiarum

nore fuerint requisiti, presentes literas, ac earum transumpta servata forma dicti Concilii recipiant, & admittant, ac ab eis recipi, & admitti faciant.

§.9. Volumus autem quod si Ecclesiis, seu Capellis, vel Oratoriis predictis, aut alias ut praefertur, aliqua alia indulgentia perpetuo, vel ad tempus non dum elapsum duratura per Nos concessa fuerint, praesentes literae, quoad indulgentiam per praesentes respective concessam huiusmodi nullius sint roboris, vel momenti.

Fides transumptorum

§.10. Et quia difficile foret, easdem praesentes ad singula quaque loca deferri, volumus, & dicta auctoritate, similiter decernimus, quod huiusmodi praesentium transumptis, etiam impressis manu Notarii dictae Archiconfraternitatis subscriptis, ac sigillo ejusdem Archiconfraternitatis munitis eadem prorsus fides in iudicio, & extra adhibeatur, quae ipsis originalibus adhiberetur, si forent exhibitae, vel ostensa.

§.11. Nulli ergo omnino hominum liceat hanc paginam nostrae absolutionis, approbationis, confirmationis, adiectionis, concessionis, elargitionis, relaxationis, impartitionis, inhibitionis, mandati, voluntatis, & decretorum infringere, vel ei auso temerario contraire. Si quis autem hoc attentare praesumpserit &c.

Dat. die 27.
Martii 1576.
An. IV.

Datum Romae apud S. Petrum, Anno Incarnationis Dominicae, millesimo quingentesimo septuagesimo sexto, sexto Kal. Aprilis, Pontificatus nostri anno IV.

CLXXXIV.

Ex Regest. in
Secret. Breve.

Confirmatio erectionis Confraternitatis Nationis Bononien. in Urbe instituta cum facultate quot annis liberandi unum. Carceratum &c.

GREGORIUS EPISCOPUS
SERVUS SERVORUM DEI

Ad perpetuam rei memoriam.

Exordium.

Sacro sanctae Romanae Ecclesiae, quam supremi Patris filius Iesus Christus, pietatis auctor instituit, regimini meritis licet imparibus praesidentes pia, & salubria Fidelium omnium, praesertim Nationis Bononien. patriae nostrae originariae sincere Nobis debita vota, ex quibus divini Cultus praecipue in Urbe augmentum, & animarum salus provenire sperantur, paterno prosequentes affectu, his, quae propterea provide facta fuisse dicuntur, ut firma perpetuo, & illibata persistant, libenter cum a Nobis petitur, Apostolicae confirmationis robor adiciamus, ut iuxta ipsius Romanae Ecclesiae praerogativam, & creditam Nobis ex alto caelestis thesauri dispensationem fideles ipsos, quorum merita pro demeritis penitus sunt imparia, novis honorum titulis, ac spiritualibus muneribus, Indulgentiis videlicet, & peccatorum remissionibus ad pia, & meritoria opera exercenda libenter invitamus, ut denique per eorundem operum exercitium macula suorum abolita delictorum ad

aternali beatitudinis sine fine mansionem feliciter pervenire mereantur.

§.1. Sane pro parte dilectorum filiorum Confratrum Confraternitatis dictae Nationis Bononien. in praedicta Urbe pie instituta exhibita nuper petitio continebat, quod cum de proxime praeterito anno Domini millesimo quingentesimo septuagesimo quinto, quod sacrum Jubilaeum per Nos indictum in eadem Urbe celebravimus, quamplurimi Christiani fideles ejusdem Nationis pia devotione ducti ad Dei laudem, & obsequium, ac honorem, animarumque suarum salutem, convenientes in unum, & de cultu divino ampliando salubriter cogitantes, Deique fervitio ferventius sese mancipare cupientes unam utriusque sexus Christiani fideles Confraternitatem Nationis huiusmodi in Ecclesia Sancti Joannis Calybitae nuncupati in Insula dictae Urbis, ad id per eos acquisita cum sacris albis signum Crucis in cucula a parte anteriori habentibus erigendam, & instituendam duxerint, ac pro illius statu, & directione, ac gubernio, & regimine diversa statuta, ordinationes, & constitutiones condiderint, cupiantque ipsi Confratres, ut praedicti Christiani fideles ad praedicta magis incitentur, & eorum devotio magis accrescat, quo exinde majora spiritualia dona adipisci posse cognoverint, Confraternitatem, & Ecclesiam praedictas aliquibus muneribus, & gratiis spiritualibus, & temporalibus decorari, quare iidem Confratres Nobis humiliter supplicari fecerunt, ut eis in praemissis opportune providere de benignitate Apostolica dignaremur.

Facti series.

§.2. Nos igitur pium, & laudabile propositum huiusmodi plurimum in Domino commendantes, ac ipsius Confraternitatis stabilimento, & decori, ac ampliatio, ac prospero successui paterno affectu consulere volentes, ipsosque Confratres, & eorum singulos a quibusvis excommunicationis, suspensionis, interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existant, ad effectum praesentium dumtaxat consequendum, harum serie absolventes, & absolutos fore censentes huiusmodi supplicationibus inclinati, ex certa nostra scientia, ac de Apostolica potestatis plenitudine Confraternitatem praedictam, quam pridem die videlicet vigesima quarta mensis Septembris anni praeteriti sub invocatione S. Joannis Apostoli, & Evangelistae ad Dei laudem, & ejusdem Sancti honorem viva vocis nostrae oraculo denominavimus, sub eadem invocatione de novo denominamus, & perpetuo denominari volumus, ac Erectionem, & Institutionem Confraternitatis in Ecclesia Sancti Joannis Calybitae huiusmodi ut praefertur, factas auctoritate Apostolica tenore praesentium approbamus, & confirmamus, illisque plenarie, & inviolabilis firmitatis robor adjicimus, omnesque, & singulos, tam juris, quam facti defectus, si qui intervenerint in eisdem, supplemus, nec non Ecclesiam ipsam Confraternitati, & Confratribus

Confirmatio
& denominatio
Confraternitatis.

Privilegia
Confraternitatis
concessa.

tribus praedictis perpetuo concedimus, & assignamus.

§.3. Et nihilominus Confratribus Confraternitatis huiusmodi, nunc, & pro tempore existentibus deinceps, & quodocumque, ac pro ut eis videbitur, pro felicitate Confraternitatis huiusmodi regimine, & gubernio, ac statu, & administratione quaecumque alia statuta, & ordinationes eis benevisae, sacris tamen Canonibus, & Concilio Tridentino non contraria, ac alias licita, & honesta, & a dilecto filio praedictae Urbis Vicario approbanda condendi, & tam illa, quam etiam alia, tam per eos haftenus, ut praefertur, facta pro temporum, personarum, & locorum qualitatibus mutandi, alterandi, corrigendi, emendandi, interpretandi, & in melius reformandi, illisque addendi, minuendi, ac etiam alia illorum loco de novo faciendi toties, quoties, ac prout, & quodocumque eis videbitur, nec non in festo ejusdem Sancti Joannis ante Portam Latinam die sexta mensis Maii celebrari solito, unum in Urbe Carceratum dictae Nationis Bononien., si pro tempore reperiat, quem maluerint, ex quocumque crimine damnatum, citra tamen haeresis, falsae monetae, falsificationis literarum, & supplicationum, ac commissionum, & aliarum gratiarum Apostolicarum, nec non laesae majestatis, & assassini, ac propinacii veneni, ac etiam incendii Ecclesiarum, aut aliorum locorum Piorum, crimina, etiam si ultimo supplicio plectendus veniret, qui tamen ab haereticis offensa pacem, seu veniam habuerit, ad eorundem Confratrum electionem quotannis a Carceribus educendi, & eductum liberandi, auctoritate, & tenore praedictis plenam, & liberam licentiam, & facultatem concedimus, & impartimur. Mandantes nunc, & pro tempore existentibus dictae Urbis Gubernatori, & Senatori, ac causarum Camerae Apostolicae generali Auditori, & eorum Loca tenentibus, nec non Conservatoribus, ceterisque iustitiae ministris, administratoribus, & officialibus, ut ad omnem requisitionem, & simplicem petitionem, & instantiam Confratrum praedictorum unum Carceratum per eos, ut praefertur, eligendum eidem Confraternitati in dicto festo relaxent, ac realiter, & cum effectu relaxari faciant.

§.4. Ulterius Confraternitati, illiusque Confratribus, nunc, & pro tempore existentibus praedictis in perpetuum ut omnia, & singula praedicta quibuscumque aliis Confraternitatibus ejusdem Nationis Bononien. sub eadem invocatione Sancti Joannis Apostoli, & Evangelistae extra dictam Urbem, tam in Bononien., quam quibuscumque aliis Civitatibus, Oppidis, Terris, Castris, Villis, & Locis Nobis, & Romanae Ecclesiae praedictae, mediate, vel immediate subjectis, vel non subjectis, tam in Italia, quam extra illam, & in quibuscumque regionibus, ac mundi partibus pro tempore erectis, illarumque Confratribus, & Confortoribus, ac Ecclesiis, Altaribus, seu Capellis, & personis communicare licite possunt.

Bull. Rom. Tom. IV. Par. IV.

sint, eadem auctoritate Apostolica perpetuo concedimus pariter, & indulgemus, & instituiamus, ac facimus, constituimus, & deputamus.

§.5. Praeterea omnibus, & singulis utriusque sexus Christianis praedictae Nationis Bononien., qui ex nunc de cetero perpetuis futuris temporibus dictam Archiconfraternitatem solito illius Sacco induti pro tempore ingredientur, die primi illorum ingressus huiusmodi poenitentibus, & confessis, ac vere contritis, nec non tam illis, quam omnibus, & singulis aliis utriusque sexus Confratribus Archiconfraternitatis huiusmodi praesentibus, & futuris pro tempore decedentibus in mortis articulo, si vere poenitentes, & contriti fuerint, ut praefertur, ac universis, & singulis aliis utriusque sexus Christianis, similiter vero poenitentibus, & confessis, qui Ecclesiam Sancti Joannis Calybitae praedictam in eisdem Sancti Joannis Apostoli, & Evangelistae vigesima septima Decembris plenariam, omnium peccatorum suorum indulgentiam, & remissionem misericorditer in Domino concedimus, & elargimur; illis vero, qui eandem Ecclesiam in Sancti Joannis ante Portam Latinam praedictam, nec non dicti Sancti Joannis Calybitae, & Sanctorum Marci, ac Martae, nec non Audifacis, & Abachuc, quorum Corpora in ipsa Ecclesia Sancti Joannis Calybitae requiescunt, decima nona Januarii mensum diebus celebrari solitis festivitibus a primis Vesperis usque ad occasum solis cujuslibet die festivitatum earundem inclusive devote visitaverint annuatim, & pias inibi ad Deum preces pro praedicta S. R. E. conservatione, & haereticum extirpatione, ac mutua inter Christianos Principes servanda pace, & alias, pro ut unicuique suggeret devotio, effuderint, pro qualibet ultimo dictarum festivitatum, qua id pro tempore egerint, septem annos, & totidem quadragenas de injunctis eis, vel alias quomodolibet debitis poenitentis misericorditer in Domino relaxamus.

Concessio Indulgentiarum.

§.6. Praesentibus perpetuis futuris temporibus duraturis. Volumus autem, quod si Archiconfraternitatem praedictam ingredientibus, & seu Confratribus dictam Ecclesiam Sancti Joannis Calybitae visitantibus praedictis aliqua alia indulgentia, in perpetuum, vel ad certum tempus nondum elapsum duratura per Nos concessa fuerint, eadem praesentes literae nullius sint roboris, vel momenti.

Clausula.

§.7. Nulli ergo omnino hominum liceat hanc paginam nostrae absolutionis, denominationis, approbationis, confirmationis, adiectionis, suspensionis, assignationis, concessorum impartitionis, mandati, indulti, erectionis, creationis, facti, institutionis, constitutionis, deputationis, elargitionis, relaxationis, & voluntatis infringere. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

O.

Da-

1576.
Dat. die 1.
Aprilis 1576.
An.IV.

Datum Romæ apud Sanctum Petrum Anno Incarnationis Dominicæ, millesimo quingentesimo septuagesimo sexto, Kalendis Aprilis, Pontificatus nostri Anno IV.

CLXXXV.

Ex Regest. in
Secret. Bre-
vium.

Communicatio, & extensio Indulgentiarum, & Privilegiorum concessorum Hospitali Joannis de Dios Granaten., ad quæcumque alia Hospitalia quibusvis in locis ad instar dicti Hospitalis instituentia.

GREGORIUS EPISCOPUS
SERVUS SERVORUM DEI

Ad perpetuam rei memoriam.

Exordium.

IN super eminenti Sedis Apostolicæ specula disponente Domino constituti ea, quæ pro Hospitalium, aliorumque piorum locorum felici statu, ac personarum ibidem fallacis hujus mundi repudiatis illecebris sub suavi religionis jugo virtutum Domino famulantium, ac pietatis, & charitatis operibus vacantium animarum salutem provide concessa fuisse dicuntur, libenter cum a Nobis petitur, ad alia ejusdem institutioni Hospitalia, & personas, favorabiliter extendimus, ac alias super his providemus, pro ut locorum, & personarum qualitate pensata, id conspicimus in Domino salubriter expedire.

Faci scies.

§.1. Dudum siquidem per fel. record. Pium Papam V. Prædecessorem nostrum accepto, quod alias quondam Joannes de Dios, dum in humanis ageret, devotione ductus inter alia multa bona opera, quæ exercuerat, ex eleemosynis, quæ a Christianis sibi elargiebantur, non multo ante ejus obitum in Civitate Granaten. unum Hospitaliale insignis Joannes de Dios della Pot. nuncupat. de loci Ordinarii licentia instituerat, & post ejus obitum dictum Hospitaliale prope, & extra muros ejusdem Civitatis canonice translatum fuerat, & in præfati Hospitalis regimine, ac administratione aliis successerant, qui ejusdem Joannis exemplo, & simili devotione moti ipsius Hospitalis, & pauperum in eo degentium gubernio, mantentioni, & sustentationi assidue incumbebant, ac in illo aderant ducenti, & quinquaginta pauperes, vel circa, omni infirmitatum genere laborantes, neque in ea Civitate, nec etiam in toto Regno Granaten. aliquis similis reperiebatur locus, in quo charitatis opera ita abunde exercerentur, cum in eo annis singulis summa decem millium ducatorum, vel circa exponeretur, ex eleemosynis quoque, quæ per dilectos filios Confratres ipsius Hospitalis colligebantur, & a Christianis ibidem erogabantur.

§.2. Et tunc proxime lapsis temporibus in Bello Granaten. prædicti Confratres multa bona opera erga christianos milites exercuerant, lectos, medicinas, & alia necessaria illis subministrando, infirmos, &

vulneratos medicorum curæ supponendo, eosque bene tractando, ac semper magna charitate Christianorum exercitus sequendo, necnon infirmis, & vulneratis necessaria pro viribus ministrando, & ex singulari zelo servitii Dei omnem curam in prædicti Hospitalis pauperibus curandis absque aliqua mercede impendebant, idem Prædecessor, Motu proprio, non ad Contrastrum ipsorum, seu aliarum personarum dicti Hospitalis pro eis dicto Prædecessori oblata petitionis instantiam, sed ex mera ejus liberalitate per suas literas omnibus, & singulis utriusque sexus Christianis, tam extraneis, quam indigenis, ac tam pauperibus, quam divitibus in eodem Hospitali pro tempore pro sui curâ existentibus, de se curari facientibus, qui die sexta Idus Augusti, vel etiam tempore publicationis dictarum literarum dictum Hospitaliale essent ingressi, infra tempus a dictis Confratribus post publicationem earundem literarum statuendum; qui vero deinceps ingrederentur, in principio illorum ingressus hujusmodi, & similiter Confratribus, administratoribus, servitoribus, & aliis personis dicti Hospitalis, qui pro tempore infirmarentur, etiam in principio infirmitatis, seu durante infirmitate hujusmodi, etiam quod ipsi, & alii omnes prædicti non essent in mortis articulo constituti, quod de cetero perpetuis futuris temporibus tam dicti Hospitalis, quam quemcumque alium presbyterum, tam secularem, quam cuiusvis Ordinis regularem a loci Ordinario approbatum in eorum possent eligere Confessorem, qui eorum confessionibus diligenter auditis, eos, & eorum quemlibet, qui poenitentes existerent, a quibuscumque delictis, & criminibus quantumcumque gravibus, & enormibus, etiam prædictæ Sedi reservatis, necnon in literis die Cœnæ Domini legi solitis contentis, exceptis, tamen casibus Hæresis, schismatis, conspirationis in Romanum Pontificem, aut Statum Romanæ Ecclesiæ, falsificationis literarum, aut supplicacionum, vel commissionum Apostolicarum, delationis armorum, & aliorum prohibitorum ad partes infidelium, ac injectionis manuum violentarum in Episcopos, aut Prælatos, vel superiores ecclesiasticos absolvere, eisque pro præmissis poenitentiam salutarem injungere auctoritate Apostolica posset, & valeret, indulset.

§.3. Utque Hospitaliale hujusmodi, & illius Ecclesiæ congruis frequentaretur honoribus, ac in debita reverentia haberetur, necnon Christianis animarum salutem fructuosius consuleretur, ipsique Christiani eo libentius ad Hospitaliale, & Ecclesiam hujusmodi, devotionis causa visitandum confluerent, quo ex inde Cœlestis gratiæ dono uberius conspicerent se refectos, Motu simili omnibus, & singulis utriusque sexus Christianis, qui pro tempore dictam Ecclesiam visitarent, & in ea preces, tam pro se, quam per modum suffragii pro defunctis Deo effunderent, quoties id egissent, quodcumque, etiam in quibuscum-

que diebus in perpetuum, toties centum dies & in diebus festis ducentos dies de iniunctis, seu alias quomodolibet debitis poenitentis in Domino misericorditer relaxavit. Quam relaxationem, etiam suffragari voluit iis, qui aliquam servitutem in prædicto Hospitali infirmis facerent, aut illos visitarent, qualibet vice quævis, seu ea, vel eorum quolibet pro tempore agerent.

§.4. Necnon omnibus, & singulis utriusque sexus Christianis vere poenitentibus, & confessis, qui Ecclesiam prædictam, vel ejus Capellam in duabus diversis festivitibus in anno per dictos Confratres eorum arbitrio pro tempore eligendis a primis vespere usque ad occasum solis cujuslibet diei festivitatum earundem inclusive devote visitarent annuatim, durante quinquennio tunc proximo venturo, & ibi pro pace inter Principes Christianos servanda, vel alias prout unicuique suggereret devotio, similiter ad Deum preces funderent, quoties id agerent, toties pro qualibet dictarum festivitatum septem annos, & totidem quadragenas veræ indulgentiæ de poenitentis prædictis relaxavit, & si pro defunctis visitarent, relaxationem hujusmodi, etiam eisdem defunctis per modum suffragii optulari voluit.

§.5. Ac insuper motu pari ejusdem Hospitalis administratoribus, Rectoribus, Gubernatoribus, confratribus, & ministris, ac servitoribus, & familiaribus utriusque sexus tunc, & pro tempore existentibus in perpetuum, qui vere poenitentes, & confessi in eodem Hospitali, sive etiam in eorum Domibus propriis, vel extra ubilibet. Pauperibus vero, & infirmis qui in dicto Hospitali pro tempore decederent, ac ipsius Hospitalis Benefactoribus, necnon etiam Confratribus Confraternitatis sub invocatione Sancti Spiritus in Ecclesia dicti Hospitalis canonice instituta, sive in ipso Hospitali, sive extra pro tempore decedentibus in eorum, & cujuslibet eorum mortis articulo plenariam omnium peccatorum suorum Indulgentiam, & remissionem in Domino concessit, utque illam eo parius consequi possent, similiter omnibus prædictis, ut tam dicti Hospitalis Rectorem, quam quemcumque alium presbyterum idoneum etiam ab eodem Ordinario approbatum in eorum possent eligere Confessorem, qui eos, & eorum quemlibet a quibusvis delictis, & criminibus, etiam Sedi prædictæ reservatis, ac etiam in literis die Cœnæ hujusmodi legi solitis contentis, casibus prædictis exceptis, absolvere valeret.

§.6. Necnon tam infirmis, & aliis pauperibus, quam Administratoribus, Rectoribus, Gubernatoribus, Confratribus, Ministris, Servitoribus, & Familiaribus, & aliis personis ejusdem Hospitalis tunc, & pro tempore existentibus peccata sua presbyteris dicti Hospitalis confitent., & ab eisdem Euchariis, & extrema Unctionis omniaque, & singula alia Ecclesiastica Sacramenta recipiendi, necnon Missas, & alia Divina Officia, ac omnes Horas Cano-

nicas hosturnas pariter, & diurnas in Hospitali, illiusque Ecclesia, & Capella prædictis, tam alta, quam submissa voce per Capellanos ejusdem Hospitalis, & alios presbyteros, & clericos illic confluentes, & intervenientes palam, & publice celebrari, ac etiam tam pro illis, quam pro aliis occurrentis campanas pullari, necnon etiam tempore interdicti, etiam dicta Apostolica auctoritate appositi, ac etiam cuiuscumque cessationis a divinis, tam administratorum, Rectorum, Gubernatorum, Confratrum, Ministrorum, Servitorum, & Familiarium, quam infirmorum, & aliorum pauperum, aliarumque personarum dicti Hospitalis pro tempore decedentium Cadavera in loco Sacro cum pompa moderata juxta personarum qualitatem ecclesiasticæ sepulture tradi, & in Altaribus Hospitalis, illiusque Ecclesia, & Capella hujusmodi Missas, & alia Divina Officia, clausis tamen januis, in supradictarum personarum præsentia per quoscumque presbyteros celebrari faciendi, necnon illa audiendi, similiter facultatem concessit.

§.7. Iis quoque, qui sive pro Defunctorum suffragio, sive alias ex devotionis fervore annis singulis prima Dominica quadagesimæ, ac Beati Joannis Baptiste, ac Domini nostri Jesu Christi Nativitatum festivitibus Hospitaliale prædictum visitarent, quoties facerent, toties centum dies, qui vero dicto Hospitali, & illius pauperibus pro sua devotione absque aliqua mercede pro tempore deservirent, quotiescumque Sanctissimum Euchariis Sacramentum sumerent, toties centum dies, ac insuper omnibus, & singulis utriusque sexus personis, quæ dictum Hospitaliale cum aliquo panno lanæ veteri pro infirmis curandis adjuvarent, pro qualibet vice centum dies, & in diebus festis ducentos dies similiter de poenitentis prædictis relaxavit.

§.8. Ac præterea dictum Hospitaliale, & ejus personas, seu agentes a Parochialis infra cujus limites dictum Hospitaliale consistebat, & aliarum quarumvis Ecclesiarum, illarumque Rectorum, & in eis Benefactorum jurisdictione, & superioritate ratione perceptionis eleemosynarum, oblationum, legatorum, & relictorum piorum, ac aliorum jurium, & obventionum quorumcumque, quæ eidem Hospitali Ecclesiæque ipsius ex quorumcumque Christianis largitione, tam in omnium Sanctorum, & Commemorationis Defunctorum, quam aliis quibuscumque festivitibus, & diebus provenirent, attento, quod dictum Hospitaliale Rectorem proprium habebat, Ecclesiastica Sacramenta omnibus in eo existentibus ministrantem, ita quod Parochialis, seu aliarum ecclesiarum prædictarum Rectores, vel beneficiati nihil in dicto Hospitali agere tenerentur, etiam Motu simili perpetuo penitus eximit, & totaliter liberavit, ac dicti Hospitalis administratores ad aliquam eleemosynarum, & relictorum aliorumque prædictorum solutionem cuique faciendam minime teneri, nec cogi posse, sed elec-

Causa prae-
sentis Consti-
tutionis eden-
da.

mosynas, & relicta, aliaque praemissa in
substantionem, & subventionem paupe-
rum dicti Hospitalis converti debere decre-
vit, inhibitione, & irritanti, ac etiam aliis
decretis desuper appositis, prout in dictis
litteris plenius continetur.

§.9. Cum autem sicut exhibita Nobis nu-
per pro parte dilecti filii majoris Confratris
dicti Hospitalis petitio continebat, ad dicti
Hospitalis instar unum in Hispanen., & aliud
in Corduen. Civitatibus, aliudque in de
Madrid, ac aliud in de Lucena Oppidis To-
letan., & Corduen. Dioecesi. ac plura
alia in diversis Indiarum maris Oceani Pro-
vinciis similia Hospitalia, haecenus Deo au-
xilante a diversis Christianis de bonis
a Deo collatis pro similibus Christianis
infirmis, & pauperibus recipiendis, a len-
dis, & curandis ab eisdem Confratribus,
qui ex Sedis Apostolicae auctoritate, sub Re-
gula Sancti Augustini Ordinem ejusdem
S. Augustini expresse profitendo emittere
solent, militare noscuntur non sine maximo
& continuo charitatis exercitio Christi-
dium pauperum languentium auxilio, & re-
frigerio, regi, & gubernari solito cano-
nice instituta fuerint, ac etiam in dies Deo
permittente, & Christianis charitate,
crescente in futurum in diversis Orbis Chri-
stiani regionibus edificari sperentur, pro parte
ejusdem majoris Confratris Nobis fuit
humiliter supplicatum, quatenus praedictis
Hospitalibus, haecenus, ut praemittitur, in-
star primo dicti Hospitalis institutis, & in
futurum ubilibet instituendis omnia, & sin-
gula privilegia, facultates, indulta, exem-
ptiones, libertates, immunitates, indul-
gentias, & peccatorum remissiones, rela-
xationes, & alias quascumque gratias, tam
spirituales, quam temporales primo dicto
Hospitali, ut praemittitur, concessa com-
municare, ac alias in praemissis opportuna
providere de benignitate Apostolica digna-
remur.

Extensio prae-
dictorum Pri-
vilegiorum ad
alia ejusdem
Ordinis Hospi-
talia.

§.10. Nos igitur qui pietatis, & chari-
tatis opera latius ubique propagari, sin-
cero desideramus affectu, praedictum majorem
Confratrem a quibusvis excommunicatio-
nis, suspensionis, & interdicti, aliisque ec-
clesiasticis sententiis, censuris, & poenis,
a jure, vel ab homine quavis occasione,
vel causa latis, si quibus quomodolibet in-
nodatus existit, ad effectum praesentium
dumtaxat consequendum, harum serie ab-
solventes, & absolutum fore censentes,
hujusmodi supplicationibus inclinati omni-
bus, & singulis Hospitalibus praedictis, tam
in Hispaniarum Regnis, quam in Indiis mar-
is Oceani hujusmodi, & totius Christiani
Orbis Civitatibus, Oppidis, & locis in po-
sterum ad instar primo dicti Hospitalis cano-
nice instituendis omnia, & singula pri-
vilegia, facultates, indulta, & gratias,
tam spirituales, quam temporales primo
dicto Hospitali, ut praefertur, concessa, ita
quod illis omnibus, & singulis Hospitalia
hujusmodi, illorumque majores, & alii
Confratres, ac infirmi, & aliae personae
illis inservientes, eaque, & eorum Eccle-

sias visitantes, ac in eis ab humanis dece-
dentes, eorumque sepulturas ibidem eli-
gentes uti, frui, potiri, & gaudere libere,
ac licite valeant in omnibus, & per omnia,
perinde, ac si eis specialiter, & expresse
concessa fuissent, Apostolica auctoritate te-
nere praesentium communicamus, ac ad
illa extendimus, & ampliamus.

§.11. Non obstantibus Constitutionibus,
& Ordinationibus Apostolicis, ac primo
dicti Hospitalis juramento, confirmatione
Apostolica, vel quavis firmitate alia robo-
ratis statutis, & consuetudinibus, necnon
omnibus illis, quae dictus Praedecessor in
ipsis litteris voluit non obstare. ceterisque
contrariis quibuscumque.

§.12. Ceterum quia difficile foret, praesen-
tes litteras ad omnia, & singula quaeque Hospi-
talia, aliaque loca supra dicta, dum opus erit,
defer., volumus etiam, & Apostolica auctori-
tate praedicta decernimus, quod earumdem
praesentium transumptis, seu copiis impres-
sis, & manu alicujus Notarii publici sub-
scriptis, ac sigillo &c.

§.13. Nulli ergo omnino hominum li-
ceat hanc paginam nostrae absolutionis,
communicationis, extensionis &c.

Datum Tusculi, Anno Incarnationis
Dominicae, millesimo quingentesimo se-
ptuagesimo sexto, quarto Kal. Maii, Pont.
nostri Anno IV.

CLXXXVI.

Institutio Congregationis Clericorum Sa-
cularium de Oratorio nuncupate, in Ec-
clesia S. Mariae de Vallicella de Urbe.

GREGORIUS EPISCOPUS

SERVUS SERVORUM DEI

Ad perpetuam rei memoriam

C Opiosus in misericordia Dominus, &
in cunctis gloriosus operibus, a quo
omnia dona defluunt, ad hoc Nobis licet
immeritis suae Sponse universalis Ecclesiae
regimen committere, & nostrae debilitati
jugum Apostolicae servitutis imponere vo-
luit, ut inter alias multiplices curas, ope-
rarios, quos ipse Dominus in messum suam,
multitudinem utique magnam populorum
ad fructum divinae gratiae dispositam, ne
pereat, quotidie pro sua misericordia di-
gnatur emittere, conducere non differamus,
eosque ad suscipiendam ipsius Domini
misericordiam in medio templi sui, ejus-
que vias Christianis demonstrandum,
eorumque corda divinorum sermonum de-
claratione illuminandum, novas etiam in-
terdum piorum virorum Congregationes
propterea constituendo nostrae sollicitudinis
ope, Apostolicisque favoribus propensius
excitemus.

§.1. Dudum siquidem omnia beneficia
Ecclesiastica cum cura, & sine cura apud
Sedem Apostolicam tunc vacantia, & in an-
tea vacatura, dispositioni nostrae reservavi-
mus. Decernentes ex tunc irritum, & ina-
ne, si fecus super his a quoquam quavis au-
cto-

Derogatio
contrationum

Transumptio-
rum fides.

Dat. die 28.
Aprilis 1576.
An.IV.

Procurium.

Philippus Ne-
rius supplicat
Papae pro ere-
ctione Congre-
gationis Cleri-
corum secula-
rium de O-
ratorio nuncu-
panda in Urbe.

floritate, scienter vel ignoranter contige-
rit attentari. Cum itaque postmodum Pa-
rochialis Ecclesia B. Mariae Vallicella nuncu-
pata, Regionis Pontis seu Parionis de Ur-
be, per liberam resignationem dilecti Filii
Antonini de Adiuto, nuper ipsius Ecclesiae
Rectoris, de illa quam tunc obtinebat in-
manibus nostris sponte factam, & per Nos
admissam, apud Sedem eandem vacaverit,
& vacet ad praesens, nullusque de illa praeter
Nos hac vice disponere poterit, si-
vel possit, reservatione, & decreto obfistendi-
bus praedictis. Et sicut dilectus Filius Phi-
lippus Nerius Presbyter Florentinus, ac
Praepositus nonnullorum Presbyterorum,
& Clericorum praefatorum nominibus No-
bis nuper exposuit, hi in ipsa Ecclesia in-
troducendi cupiant, & ac ita illis gratia assistente
divina circa Missarum, & aliorum divino-
rum Officiorum in eadem Ecclesia celebra-
tionem, & verbi Dei populo inibi interes-
senti praedicationem, aliaque salubria mo-
nita ad salutem animarum Christianis
procurandam, & quamplurima pietatis
opera exercenda intendere sperent, ut ex
eorumdem Presbyterorum, & Clericorum
laudabili vita, & doctrina dilecti Filii ipsius
Ecclesiae Parochiani non parvam consola-
tionem spiritualem susceperint, si in ead-
em Ecclesia una Congregatio Presbytero-
rum, & Clericorum de Oratorio nuncupanda,
perpetuo erigeretur, & institueretur,
ipsaque Ecclesia cum onere cure animarum
illius Parochianorum praefatorum eidem
Congregationi concederetur, ex hoc pro-
fecto divinus cultus, ac Ministrorum Ec-
clesiasticorum numerus, in ea ad Dei lau-
dem, & eorumdem Christianis animarum
salutem maximum suscipere incrementum.
Quare dictus Philippus asserens
dictae Ecclesiae, & illi forsitan annexorum,
fructus, redditus, & proventus, super quibus
pensio annua quadraginta scutorum mo-
netur certa Personae Ecclesiasticae illam an-
nuatim percipienti, Apostolica auctoritate,
ut dictus Philippus etiam asserit, reservata
existit, centum, & triginta ducatorum au-
ri de Camera secundum communem esti-
mationem valorem annum non excedere,
eisdem nominibus Nobis humiliter suppli-
cavit, quatenus praemissis annuere de beni-
gnitate Apostolica dignaremur.

Qui illam
erigit.

§.2. Nos igitur qui dudum inter alia
voluimus, quod semper in unionibus com-
missio fieret ad partes, vocatis quorum in-
teresset, quique divini cultus augmentum,
& Christianis animarum salutem sinceris
desideramus affectibus, piis, & lau-
dabile Philippi Praepositi, ac Presbytero-
rum, & Clericorum praefatorum deside-
rium summopere commendantes, ipsos-
que Philippum Praepositum, ac Presbyte-
ros, & Clericos a quibusvis Excommuni-
cationis, suspensionis, & interdicti, aliis-
que Ecclesiasticis sententiis, censuris, &
poenis, a jure vel ab homine, quavis occa-
sione, vel causa latis, si quibus quomodo-
libet innodati existunt, ad effectum praesen-
tium dumtaxat consequendum, harum

serie absolventes, & absolutos fore censentes,
hujusmodi supplicationibus inclinati, in
dicta Ecclesia unam Congregationem Pre-
sbyterorum, & Clericorum saecularium de
Oratorio nuncupandam, sine alicujus pra-
judicio, auctoritate Apostolica tenore praesentium
perpetuo erigimus, & instituimus.

§.3. Illique sic erecta, & instituta Ec-
clesiam praefatam, si-ve praemissa, si-ve alio
quovis modo, aut ex alterius cujuscumque
persona, seu per similem resignationem dicti
Antonini, vel cujusvis alterius de illa in
Romana Curia, vel extra eam etiam coram
Notario publico, & testibus sponte factam,
aut Constitutionem fel. record. Joannis Pa-
pae XXII. Praedecessoris nostri, quae incipit,
Execrabilis, vel assentionem alterius be-
neficii Ecclesiastici quavis auctoritate colla-
ti vacet, etiam si tanto tempore vacaverit,
quod ejus collatio juxta Lateranen. statuta
Concilio ad Sedem praefatam legitime devo-
luta, ipsaque Ecclesia dispositioni Aposto-
licae specialiter, vel alias generaliter refer-
vata existat, & super ea inter aliquos lis,
ejus statum praesentibus haberi volumus
pro expresso, pendeat indecisa, dummodo
ejus dispositio ad Nos hac vice pertineat,
cum onere cure animarum illius Parochia-
norum praefatorum, aliisque omnibus, &
singulis oneribus, & honoribus, ac annexis,
necnon omnibus bonis, censibus, jurisdic-
tionibus, fructibus, redditibus, & pro-
ventibus, aliisque juribus, & pertinentiis
suis eidem Congregationi, auctoritate Apo-
stolica, & tenore praefatis etiam perpetuo
concedimus, & assignamus; ita quod li-
ceat ipsi Congregationi illiusque Rectori,
Presbyteris, Clericis, & Procuratoribus,
seu Agentibus, vel deputatis per se, vel ali-
um, seu alios, eorum, & dictae Congrega-
tionis nomine, Ecclesiae, & annexorum,
ac honorum, juriumque, & pertinentiarum
praefatorum corporalem, & realem, &
actualem possessionem propria auctoritate
libere apprehendere, & etiam perpetuo reti-
nere, curamque animarum eidem Ecclesiae
imminentem per seipfos Presbyteros seu,
vel plures ex eis, si-ve per alium, vel alios
Presbyteros, illis tamen prius a dilecto Fi-
lio Nostro, & Romani Pontificis pro tem-
pore existentis in dicta Urbe, & ejus distri-
ctu Vicario in spiritualibus generali, seu
Sede praefata approbatis, exercere, vel
exerceri, eidemque Ecclesiae in divinis de-
servire, seu deserviri facere, illiusque fru-
ctus, redditus, & proventus, jura, ob-
ventiones, & emolumenta quaecumque
percipere, exigere, & levare, ac in suos
& Congregationis, ac Ecclesiae praefatorum
usum, & utilitatem convertere.

§.4. Necnon eidem Congregationi, il-
liusque Rectori, ac Presbyteris, & Clericis
pro tempore existentibus, ut pro salubri
statu, & directione Ecclesiae, & Congrega-
tionis hujusmodi illiusque personarum que-
cumque statuta, & ordinationes rationabi-
lia, honesta, ac Sacris Canonibus, & Con-
cilio Tridentino non contraria edere, &
edita reformare, limitare, & mutare, ac
alia

Eique Para-
chialis in Urbe
Ecclesia S. Mariae in
Vallicella, cu
omnibus suis
bonis, introi-
tibus, & juri-
bus concedit.

Facultatem
que ordina-
tiones pro sa-
lubri statu suo
conferendi, &
immutandi tri-
buit.